



*Senin, 20 Pebruari 2023*

**Ogen: 1 Petrus 3:6**



**Patuh Man Perbulangen**



Lit terberita Mamre sada ayat. Engkai maka ikataken bage? sabap bage buena ayat-ayat bas Pustaka, 1 ayat ngenca ietena (e pe labo ka dem), ihapalna ras e jadi senjata man ndeharana. E me Epesus 5: 2, "O kam ndehara, patuhlah man perbulangenndu." E maka adi ngerana, mandang si ndehara, maka minter ibelaskenna ayat enda ndai.

Patuh man perbulangen labo sada tanda maka si perbulangen erkuasa ras rate-ate man ndeharana. Tapi patuh man perbulangen ertina ndehara e me penampat, penolong si sepadan, setara man perbulangen. Ia labo pembantu desken pembantu rumah tangga. Ia penampat erkiteken e kodrat si ibereken Dibata man bana guna nemani si dilaki.

Petrus pe nambahisa maka bagi Sara patuh man Abraham perbulangenna, maka igelarina perbulangenna e "tuan", engkai? Erkiteken aminna pe lit hak i bas Sara guna erjile-jile nandangi perbulangenna alu makeken perhiasen arah darat tapi kepatuhen nandangi perbulangen e me perhiasen arah bas nari tandana ia erkiniteken ras erpengarapen man Dibata. Janah kata guna patuh man perbulangen labo kata sepihak ngenca man ndehara-ndehara. Sabap kenca nggo ibereken sada pengajaren man ndehara, uga ia nandangi perbulangenna, maka iumputi alu uga ka perbahanen perbulangen nandangi ndeharana.

E maka kegeluhen jabu i bas kalak Kristen lit i je kata saling labo silang ntaah pe silang-lang. saling memberi diri, tanggung jawab nandangi sada ras sidebanna.

*Anda bukan menikah untuk menjadi berbahagia, tetapi untuk saling membahagiakan.*

*Roy L. Smith*